

Abia òlbe, der earst artikl van jor paschraip de zeil van lait en To en jor as ist garo verpai

# Baivle sai ber iaz en Tol? De statistik van lait en 2022



Come ogni anno dedichiamo la prima pagina ad un'analisi dei dati demografici dei nostri comuni, che confermano una sostanziale stabilità del numero dei residenti. Fierozzo/Vlarotz rimane il comune più numeroso, seguito da Frassilongo/Garait e Palù/Palai.

Abia òlbe, de earste Liaba lait van jor stellt vour en de leser de datn van zeil van lait en Tol en jor as ist garo vepai. De datn va de gönze gamoa'schöft sai' haier aa laischiar glaich: Vlarotz plaipl nou de greaseste gamoa, döra kimpf de sèll va Grait ont de klea'neste ist Palai. Vong ber u' pet Vlarotz. De greaseste gamoa' hòt u'pfök s jor pet 470 mentschn as kem en de gönze gamoa'. De mander sai' 252 gaben ont de baiber 2018. S sai' augöngen viar piabler ont nankat a diarndl. De lait as hom ens galòt sai' vinvva gaben: viar mander ont a baib. S sai' zuarkemmen 6 mentschn, drai baiber ont drai mander ont de sèll as sai' vortgöngen va de gamoa' sai' vinvva gaben, an mönn ont viar baiber. En 2022


de zeil van lait en vlarotz ist nèt gabècksl. De mentschn sai' plim 470, abia der earst to van jor. De mander sai' 254, de baiber 216. Scher ber iaz de gamoa' va Garait, pet Oachlait ont Garait. Der earst to van jor de mentschn sai' gaben 338, pet 173 mander ont 15 baiber. S sai' augöngen zboa kinder, a piabl ont a diarndl. De mentschn as hom ns galòt sai' viara gabem an mönn ont drai baiber. De sèll as zuarkemmen sai', sai' öchta gaben, vinf mander ont drai baiber ont zboa mentschn, an mönn ont a baib, sai' vortgöngen. Der leist to van jor, en de gamoa' va Garait hòt s gahòp 342 mentschn, 177 mander ont 165 baiber. Geaber iaz envire en Palai. Ber hom u'pfönk s 2022 pet 167 lait: 86 mander ont 81 baiber. S ist augöngen a diarndl. Viar mander home ns galòt. S sai' zuarkemmen, zboa baiber ont vinf mentschn (drai mander ont zboa baiber) sai' vortgöngen. Der leist to van jor en Palai hòt s gahòp 161 mentschn, 79 mander ont 82 baiber.

Ont iaz de datn ver en gönze tol (de gamoa' va Garait, de sèll va Palai ont de sèll va Vlarotz). Der earste to van jor, de lait sai' gaben 975, 511 mander ont 464 baiber. S sai' augöngen sim kinder, vinf piabler ont zboa diarndl. De sèll as hom en galòt sai' 13 gaben, naïn mander ot viar baiber. De sèll as sai' zuarkemmen sai' 16 gaben, öcht mander ont öcht baiber ont 12 mentschn sai' vortgöngen (vif mander ot sim baiber) Der leist to van jor en de inser gamoa'schöft sai' ber 973 plim (510 mander ot 463 baiber). Ont ver za riven, schau ber de zeil van an iata gamoa' keing en sèll van gönze Tol: asou meing ber sechen s prozent van lait as lem en an iata gamoa'. En Vlarotz lep òlbe s 49 prozent van lait va de bersntoler gamoa'schöft, abia vertn. Garat hòt gabungen an punkt bavai en 2021 ist gaben s 34 prozent van bersntoler ont haier s 35. Ont Palai hòt verlourn an punkt: en 2021 hòt gahòp s 17 prozent van bersntoler.

LORENZA GROFF



## De datn van gamoa'n van 2009 finz haier



De leitrattn do oum paschraim de zeil van lait, gamoa' ver gamoa', van 2009 finz haier.

Vong ber u' pet de Gamo'a' va Garait. En 2009 hòt s gahòp 332 mentschn ont haier 342, zeichen meer. De heacheste zeil ist gaben en 2018 pet 345 mentschn ont der niderste en 2013 pet 319 mentschn.



En de doin zbelj jor de zeil van lait ist augöngen van drai prozent. Palai ist òlbe de klea'neste Gamo'a' ober de sèll as hòt verlourn s greaseste prozent van lait. En 2009 en Palai hòt s gahòp 183 lait ont haier 161. De heacheste zeil ist gaben en 2009 ont de niderste haier. En de doin zbelj jor de zeil van lait ist ogöngen van viarzen prozent.



Vlarotz ist de greaseste gamoa' van Tol. En 2009 sai' sa 471 gaben ont haier 470. De heacheste zeil ist gaben en 2013, 2014 ont 2020 pet 487 mentschn. De niderste en 2016 pet 469. En de doin zbelj jor, de zeil van lait ist ungefer glaich plim.

### Innschraim de kinder en kindergòrtñ ont za schual

De provinz lòk bissn as hòt s zait finz as de 31 van genner ver za schraim sa inn en kindergòrtñ. Men mias gea' en internet, as de sait van vivoscuola, ont villn auso nt gem o òlla de dokumentn. De kinder as meing u'vöngan der kindergòrtñ s jor as kimmp sai' de sèll as kompirn drai jor vorr de 31 van genner 2024. Men mu innschraim de kinder as sai' augöngen van earst to van 2018 finz as de 31 van genner 2021. De adress ist <https://www.vivoscuola.it/iscrizioni>. Ver de inser gamoa'schöft, der sitz ist kindergòrtñ „Himblring“ va Vlarotz. Ver de earsteschual, mittll- ont hoaschual- ont örbetschual, hòt s zait finz as de 30 van genner. De kòrtñ miasn ogem kemmen van an elter òlbe as de internetsait Vivoscuola. Ver za schraim inn schualer ont studentn en a klass eno de earste, mu men ogem de dokumentn derèckt za schual.



### Òrbetn en "Azione 19"

De lait a'ne òrbet as sai' enteressiert za vrong za òrbetn pet de Azione 19, meing ogem de vrog finz as de 16 van doi mu'net. De miasn sai' a'ne òrbet va almen 6 mu'net ont hom kompirn 50 jor, oder sai' a'ne òrbet, pet mear as 25 jor ont inntschrifm sai' pet en gasetz 68 van 1999, oder a'ne òrbet sai', pet mear as 25 jor ont inntschrifm sai' en sozialdinist va de Provinz. Derzua miasn sa lem en de provinz va Trea't va almen 5 jor oder inntschrifm sai' en Aire va almen 3 jor. Men mu de vrog derèckt ogem as de internetsait <https://politicheattive.provincia.tn.it/> oder gea' kan an patronat as bart sa ogem. Men mu se innschraim en earste toal van projekt finz as de 16 van doi mu'net. En zvante toal, va de 17 van doi mu'net finz as de 31 van merz. Ver öndra informazionen mu men schaung de internetsait va de Provinz en toal Agenzia del lavoro.



Letratt\_Druckomt PAT

### Der bando 2023 van Lòntplan ver de jungen va Persn ont van Bersntol

Men lòk bissn as ist ausgaleik kemmen der bando 2023 van Lòntplan ver de jungen va Persn ont van Bersntol. S ist an strument ver za bërt gem en de jungen ont za tróng envire projektn ver sei ont van sei gamòcht. De sèll as hom idee ont projektn za stelln voor meing sa iaz ogem. De projektn miasn nogea' en sèll as tschirim ist en PSG, der dokument ver de politik ver de jungen van gamo'an as toalnemmen en projekt. De idee oder de projektn meing tschickt kemmen en adress a [info@asifchimelli.it](mailto:info@asifchimelli.it) voor de 31van genner za mitto. Ver öndra inforamzionen mu men u'riaven de omtn va de gamoa' va Persn.



Letratt: [perginegiovani.it](http://perginegiovani.it)